

Na osnovu odredaba Zakona o radu ( .. Službene novine Federacije Bosne i Hercegovine .. broj: 26/16) uz puno uvažavanje ukupnih ekonomskih i socijalnih prilika na Unsko-sanskom kantonu , a poštujući pri tom međusobno povjerenje, uvažavanje i razumjevanje

**1. VLADA UNSKO-SANSKOG KANTONA**, s jedne strane (prva strana u sporazumu) kao predstavnik poslodavca, koju zastupa Premijer Kantona, mr.sci.Rošić Husein

i

**2. SAVEZ SAMOSTALNIH SINDKATA UNSKO-SANSKOG KANTONA**

s druge strane (druga strana u Sporazumu), u ime granskih sindikata obrazovanja, kao predstavnik zaposlenih, kojeg zastupa Predsjednik Saveza samostalnih sindikata USK Muhamed Mahmutović,

zaključili su:

## **S P O R A Z U M** za period august – decembar 2016. godine

### **Član 1.**

Strane potpisnice ovog Sporazuma saglasne su da se plaća svih zaposlenika korisnika Budžeta Unsko-sanskog kantona za period august-decembar 2016.godine zadrži na nivou isplaćene plaće za mjesec maj 2016.godine ( po visini osnovice akontativno utvrđenoj za maj 2016.godine).

Isplata plaća za period iz prethodnog stava vršit će se po već utvrđenoj dinamici ( do 30 dana) i redosljedu isplate.

Zaposlenici u obrazovnim ustanovama imaju pravo na naknadu plaće za vrijeme privremene spriječenosti za rad (bolovanje) do 42 kalendarska dana u visini njegove neto plaće isplaćene za prethodni mjesec.

Naknada plaće za bolovanje preko 42 dana iz stava 1. ovog člana ostvaruje se po propisu Kantona, kojim se uređuje navedena oblast.

### **Član 2.**

Naknada za ishranu za vrijeme rada (topli obrok), za dane prisustva na poslu, za sve zaposlenike, u periodu važenja ovog Sporazuma, iznosit će 8,00 KM i isplata će se vršiti nakon isplate plaće .

### Član 3.

Naknade – jednokratne pomoći za slučaj bolesti, odnosno smrti zaposlenika i člana njegove uže porodice, obaveza koja je nastala do 31.12.2015.godine, isplatit će se po redu nastanka obaveze, najkasnije do 31.12.2016.godine.

### Član 4.

Naknade za prevoz na posao i sa posla, obaveze nastale do 31.12.2015.godine, isplatit će se do 30.11.2016.godine, a obračunate naknade za prevoz na posao i sa posla za januar i februar 2016. godine isplatit će se do 31.12.2016.godine.

### Član 5.

Obaveze koje su nastale prema bivšim zaposlenicima, koji imaju pravo na otpremninu prilikom odlasku u penziju, isplatit će se do 31.12.2016.godine.

### Član 6.

Obaveze nastale po osnovu obračunatih naknada koje su ostvarili zaposlenici za polaganje vanrednih ispitnih rokova zaključno sa junskim ispitnim rokovima 2015. godine isplatit će se najkasnije do 31.10.2016. godine.

Preostale obračunate obaveze po istom osnovu zaključno sa 31.12.2015. godine isplatit će se najkasnije do 31.12.2016. godine.

### Član 7.

Vlada Unsko-sanskog kantona se obavezuje da će donijeti adekvatne Odluke do 31.10.2016. godine kojima će se izjednačiti prava porodilja zaposlenih u obrazovnim ustanovama sa pravima porodilja zaposlenih kod ostalih budžetskih korisnika.

### Član 8.

Potpisnici Sporazuma se obavezuju da u ovom periodu provode aktivnosti iz svoje nadležnosti, koje su vezane za usklađivanje granskih kolektivnih ugovora, kako bi se na bazi istih mogao planirati Budžet Unsko-sanskog kantona za 2017.godinu.

### Član 9.

Potpisnici Sporazuma se obavezuju da po isteku ovog perioda analiziraju efekte provedbu ovog Sporazuma i dogovore aktivnosti za naredni period.

### Član 10.

Potpisivanjem ovog Sporazuma, pitanja koja se reguliraju ovim Sporazumom imaju snagu Kolektivnog ugovora.

## Član 11.


O realizaciji ovog Sporazuma starat će potpisinici Sporazuma.

## Član 12.

Ovaj Sporazum stupa na snagu danom donošenja i objavit će se u Službenom glasniku Unsko-sanskog kantona, a primjenjivat će se od 01.08.2016. godine.

Strane u Sporazumu:

1. VLADA UNSKO-SANSKOG KANTONA

  
mr. sci. Husein Rošić

Broj: 03-14-10929  
Bihać, 06-09-2016



2. SAVEZ SAMOSTALNIH SINDKATA UNSKO-SANSKOG KANTONA

  
Muhamed Mahmutović

Broj: MM-46/2016  
Bihać, 06.09.2016.

